



SUATEA



COMUNICÁU DE PRENSA: EDUCACIÓN

El Tribunal Constitucional acaba encontrar la constituticionalidá de la Llei d'Usu y promoción del Asturianu de 1998, lo que mos presta enforma en SUATEA, al suponer esta sentencia una confirmación y afitamientu del camín andáu nel reconocimientu de los derechos fundamentales de la ciudadanía asturiana que nosotros incansablemente reivindicamos. Sicasí, la sentencia afita que toos y toes podamos diriximos a l'alministración Asturiana n'Asturianu, pero nosotros nun podemos elixir la llingua na qu'ella tramite los nuestros expedientes y nos conteste. Esta llingua sedrá'l Castellán, pues ye la única llingua que ye oficial n'Asturies y la Llei d'Usu nun regula que l'alministración la tenga qu'emplegar nes sos contestaciones y trámites.

Ye chocante y contradiz los principios básicos de la comunicación, cortesía y civilidá, el dirixise a un interlocutor nuna llingua y qu'ésti te conteste n'otra, y más cuando esi interlocutor (l'alministración) tien por función el serviciu a la ciudadanía.

Nin que dicir tien, que la Llei d'Usu y promoción tampoco garantiza'l respetu de los derechos llingüísticos de la ciudadanía asturiana n'otros ámbitos distintos a l'alministración asturiana como los ayuntamientos, la universidá, la educación, los medios de comunicación...; ye por eso, polo que SUATEA, vien demandando como únicu instrumentu afayadizu pa garantizar los nuestros derechos llingüísticos en tolos ámbitos sociales **LA OFICIALIDÁ** de la Llingua Asturiana y el Gallego-Asturiano nel so territoriu.

SINDICATU UNITARIU Y AUTÓNOMU DE TRABAYADORES DE LA ENSEÑANZA D'ASTURIES